


Wojnowski L. J.

Conceptus

Text. 4002



CONCEPTUS

AD

VERBUM DEI,

MARIÆ
CONCEPTIO,

In publico Scholarū Rgni Oratorio

Sub titulo & Confraternitate

EIVSDEM IMMACVLATÆ,

CONCEPTIONIS *erecto*

A

FRANCISCO

IOSEPHO

de Zaborow

BAKOWSKI,

POCILLATORIDA CIECHANOWIENSI

Auditore Dialectices,

In Nobilissima Hospitum

&

Iuventutis ACADEMICÆ,

Coronâ

DEMONSTRATUS.

Anno Domini 1721. Die 8. Decembris.

C R A C O V I Æ

Typis IACOBI MATYASKIEWICZ S. R. M. Typographi.



In Stemma
PERILLVSTRIS REVERENDISSIMI
 Domini Domini.



Vel SZRENIWA Tagus, vel supplet honoribus æquor
 Hoc, non tempestas volvitur ulla, vadô
 Scilicet, hic Neptunus honor, fluctusq; Tyaras,
 Sternunt, & Triton fama, Tridensq; pedum,
 Divite nam totus populorum incommoda ponto;
 Innatat, ipsa suis munera portat aquis.

59934 III

PERILLVSTRI & REVERENDISSIMO
DOMINO
D. DOMINICO
LOCHMAN,
V. I. D. CANONICO CATHEDRALI
& ARCHPRÆBYTERO INFVLATO,
CRACOVIENSI DECANO,
SANDOMIRIENSI DOMINO

ac
Mæcenati Amplissimo.

Rapidissimo Gentilitij SZRENIAWA Tui ad VER-
BUM DEI Conceptus MARIAE Conceptio accele-
rat. ad Te impetu PERILLVSTRIS REVEREN-
DISSIME DOMINE. Infidum quisquis credat
aquæ elementum, securius tamen ille adoptatum suum appellere
non potuit portum, quam ubi se gentilitio Tuo credidit fluvio.
Conceptum hunc amnis Tui sinu fovere non dedigneris, profun-
ditas enim Conceptus hujus profundo, sublimitas alto Tui fla-
minis committi debuerat. Illud enim Nominis Tui altum est,
quod nullus metiri Calamus. Illa profunditas Tuae magnitudi-
nis, quam nemo valet mensurare. Quâ propter & me ipsa
Nominis Tui opprimit magnanimitas, & ipsa Copia facit
inopem. Sive etenim sapientiam Tuam respexero, sive in vir-
tutes & merita palpebram jecero, cuncta hæc in Te supremæ esse
conspicio Celsitudinis. Ambiebat Doctoralis Tyara, Tua ex-
A2 ambi-

ambire tempora, antequam Te juris caperet utriusq;. Nunc autem dum jam illam Tuo impleas Capite, gaudet Tuo adcolli vertice & gloriatur. Ut autem abstringeret Te sibi sapientia, in annulo Te desponsavit Doctorali, Nobilioremq; gemmam Te illi inseruit ut exinde majus decus pretiumq; contraheres. Faventes sibi expetebat SZRENIAVÆ Tui fluctus Minerva, illum proinde Venetorum more prædicto sibi circuto subarrhavit. Et quodammodo hic, exigentia scientiarum satis fecisse videbaris; nondum tamen virtutum Tuarum & meritorum appetitum satiabas. Ijs proinde expetentibus ex Cathedra descendens Doctorali, Vavellanam Cathedram conscendisti; etiam ibi non absq; laureâ, quia tergemino Illustrissimi Capituli Coronatus dyademate. Non ita tamen a tyaris Doctoralibus. Patrijsq; Illustrissimi Capituli occupatum Tuum verticem coronis spectare licet, quin illum Archipræsbiterialis etiam Insula denegarent; quæ in eminentiori Majestatis non poterat collocari culmine, quam in Tuo vertice reposita. Patet proinde magnanimitas Tua vel ex ipso Tuo Capite quod vastissimum adeo ampliavit ingenium ut plurimum etiam Comprehendendarum capax esset Coronarum. Patet rectefactorum tuorum amplitudo, quæ tam vasta & spatiosa ut plura in te depromat honoris dyademata. Non itaq; Oratorij fontes in amplissima gloriæ Tuæ exundant encomia quos pleno alveo totoq; gurgite in se recipit SZRENIAVÆ gentilitius. Illud nisi cum prædicti ad verbum DEI Conceptus Nominis Tuo dedicatione votum Concipio, ut Domesticus Oceanus Tuus, felici navigio insulis honorum exponat Te fortunatis.

Ita vovet
Nomini Tuo Devinctissimus.

FRANCISCVS IOSEPHVS de Zaborow
BAKOWSKI, Porillatorides Ciechanow
viensis Auditor Dialectices.



ORATIO.

AD primum Marianæ vitæ sistens punctum, ad felix sæculorum instans positus, hoc unicum fari fateriq; debeo, quod intemerata Virginis **MARIÆ** Conceptio, laudum non poscat nomina, & alijs titulis præterquam se ipsa explicari non prætendat. **AA.** Laus enim est nullis attingenda encomijs, ipsa sibi Conceptio decus tantum, cui si nitor addi cogitetur, luci umbra affundi videbitur. Quocunq; è fonte exortæ **MARIÆ** duxerim Orator exordium, in mare illabor laudum, à tenui dictationis rivulo, ad inexhaustum Oceanum deducendus. Quamvis anxia revolvam mente varios dicandarum dicendarumq; **MARIÆ** laudum accessus, nihil tam prope exortui illius approximat, quàm sola ipsius Conceptio. Si enim vel gemmam **MARIAM** proclamaverim, nondum Conceptæ **MARIÆ** pretium attigi. Cui quoniam expallescere non datum, etiam ultra nitorem unionum stare est concessum. Si probati auri venam dixerim, vix veniam merebor, Cæli pretium exorfæ Superis permiscens telluri. Non fidus polo promicans exordium **MARIÆ** nuntiabo, probè noscens etiam in Principe siderum sole maculas adinventas. Quàm longè ab hominum ortu **MARIA**, tam ab humanis remota laudibus. Si suum Conceptum non audiat, cætera quavis nobis accepta rejicit. Hæc sola ad mentem **MA-**

RIÆ cogitatio, quæ in apprehensione Conceptæ MA-
RIÆ fixa non ultra diuagatur. Hic potior exagitata
reflexionibus mentis Conceptus, qui nihil concipit am-
plius, quàm quò digna MARIÆ Conceptio. Quod in
laudem hominum venit semper noscitur hyperbolicum,
quò etiam maximos adtollimus factis, illorum majora
laudum excitamus fastigia, parum dicturi, si aliquid no-
strum non addamus. MARIAM hic digne prædicat, qui
MARIÆ dotes, MARIÆ originem, ut in se est assumit
explicandam. Subtili quamvis ingenio, altum hoc per-
transiri non potest, altius evolat, sublimius se attollit, si
Sui pedisequas laudes contemplatur. Humani non so-
cia encomij MARIA, sed Regina sub sua Majestate lau-
des hominum detinet suppedaneas. Rotundo quamvis
ore efformari laudum corona non potest, huic Virgini
omnia dicta digniora sunt, ut plantis illius non laudi &
encomijs advolvantur. Quid magis MARIA? imò quid
compar MARIÆ? moliri possunt soluta mortalium in
ejus cultum pectora? quid ora fari? quid spiritus? imò
à corde evolueret singulare; MARIA pars quidem no-
stra, sed non nostræ, fors facundiæ. Mulier sed illo
etiam in exortu suo amicta sole, ad quem pupillæ mor-
talium cæcutiunt. Vix video, vix conijcio MARIÆ
laudes, facilius expediturus negotium, si aurium obse-
quio linqui, conatu placere Virgini prætendissem. Sub-
mittam me tamen Conceptæ MARIÆ, negotio inten-
dam vires, non nervose dicturus; sed qui saltem pri-
ma MARIÆ Conceptæ vestigia pronus adirem. Quid
MARIÆ Conceptio? nisi mentis Divinæ, nisi increatæ sa-
pientiæ Conceptus. Ultra captum mentis nostræ ingeni-
osa hæc combinatio, ad Superos referri debet, quæ supra
humanū opus. Authori DEO adscribendus iste conceptus,
qui æternitatis tomo adscribi non potuerat, nisi Numine
pro ipso exsudante. MARIA nata DEI sponsa, Materq;
DEI, quidquid est, qualis quantaq; est, DEI est. Quare Cō-
ceptus

ceptus ad verbū DEI Immaculata Divinæ Genitricis Conceptio ab ore meo audiat. Insequor exortus tui lumen, radiosq; , nullius noxæ cōscia Virgo, infantē Tu redde linguam, quæ noxam penitus ignorāsti. Inflamma pectus, accende Spiritū, quo ferveat oleum effusum MARIA Nomen Tuum. Nec sine vobis Auditores Humanissimi expedire munus potero, qui ad vos in Conceptæ MARIE negotio verba faciam. Conceptū ad Verbum DEI dico MARIAM, Vos annuite. Explicate favoris vestri documēta, quæ ego ad Cōceptū Illibatæ Virginis MARIE Cliens annotabo.

Animorum mentiūq; nostrarum exemplar, ac norma DEVS, quidquid concipit, quidquid mentis suæ Augusto recessu evolvit, omne illud ingeniosis adjunctis reddit gloriosum. En obtutui nostro irradiatū sideribus allucet Cælum, obviat orbis, patet terra, & cuncta hæc cæteraq; quàm bene imo quàm optime mente Numinis prodeūt ordinata. Quinimo minimum Supremi opus Tonantis maximū arguit ingenium, à quo steterat de nihilo efformatū. Hæc magnum satis Conceptum exposcebant, sed MARIA sine labe Concepta, maximū. Paulo minor ab Angelis homo divinis annotatur literis, maior his MARIA noscitur, colitur, adoratur. Cōbinavit in uno MARIE cōpendio illa DEVS adjuncta, quibus à cæteris Virgo hæc creatis disjungitur, separatur. Ad homines pertinet humani conscia sanguinis, Cælestem se exhibet, diviniorem participans; nam sine labe originem. Nobis adjuncta peccati macula, ab hac Virgine remota; nobis in vitæ exordio vitæ exitus, à MARIA procul mortes detestandæ. Vno planè passu noxæ nobiscum eunt, imo priores figunt vestigia, quibus in mundi spatia prodeamus. Sociæ nobis vitia, comites maculæ, pedissequa prodromaq; iniquitas. Adeò mortales abjecti sumus, ut ultra peccatū assurgere nequeamus. Adeò criminum visco inhæsimus, ut his capti, virtutum cultui denegemur, Longe ab hac

communis felicitatis naufraga forte MARIA; concipi enim aliter non poterat, quàm innocens, prodire in orbem, quàm sine macula, nasci nobis, quàm sine vitijs. In hoc malignantis mundi pelagus, MARIA vitæ suæ cymbam dirigit, sed scyllæa criminum evitat pericula; vela committit mundanis turbinibus, sed divino ubiq; comitata Favonio. Quàm extra miseram sortem Mortalium MARIA, quàm dispar homini, de homine, pro hominisq; commodo MARIA, præcipuam credite Omnipotentis dexteræ operam. Credite Conceptum ad Verbum DEI MARIAM. Volvebantur sæcula, transiebant anni, dies effluebant, & Cælum sub nubilo illustrem faciem retinebat tegebatq;. Horis horæ instabant, momenta momentis trudebantur, & altum Numen caram Orbis felicitatem mentis suæ thesauris recondebat. Aluxit tandem communibus votis expetita dies, advenit candidis notandum calculis tempus, affluxit momentū, æternitatis vehens pondus MARIAM; festa inquam dies Mariæ Conceptio. Legimus conceptum à sæculis formatum, nunc in tempore revelatum, miramur ingenium Conceptum hunc combinantis; stupemus supra hoc mentis opus & extra nos rapimur, dum supra humanum cognoscimus artificium. Exoriri enim ad salutem, ad delendum gentis opprobrium destinari, formari tandem MARIAM ad terræ Cæliq; gloriam, nonne ad Verbum DEI solius Conceptus. Proferat si potest par opus mortalitas, formet si supetunt vires donum simile. Abit, cedit Divinæ menti augustiora sēper cogitanti. si enim vel potentem Semiramidem, si providam menti suæ Æstheram, si deniq; candore innocentix spectabilem Susannam monstraverit, nihilū sunt ad Mariæ gloriam. Illæ etenim inter virtutes suas nævos admiserunt, hæc ne athomum quidem candori suo affusam conspexit. Illis aliqua tantū concessit Numen ornamenta, Mariæ omnia ingessit donavitq; decora. Non sum altissimæ
scruta-

scrutator Majestatis, non Phæætonis ausû Cælum subfili-
lio, exhaustos tamen, **MARIÆ** gratiâ thesauros **DEI** si
non video, certe Conijcio. Mare donorum **DEVS** est,
MARIAM alluens, **MARIAM** reddens insulam fortu-
natam. Pretium ingens **DEVS** est, se **MARIAM** red-
dens æstimabilem. In hoc peccamus omnes, quod Pa-
rentem nostrum Adam peccatis imitemur. Hoc exce-
dimus, quod primam innocentiam non seruemus. Tra-
ximus è Parentis nostræ ubere virus illud, quo singuli
angimur, emorimur, cruciamur. Virus hoc vel ideo ne-
fandum, quod à malo, vel ideo execrandum, quod à
diro serpente comparatum. Persuasit astutia vetitum,
decerpsit mali vesana cupido negatum, hoc exitu, ut
nos malû in malo deglutiret. Perijmus in tanta voragine
ad arborem boni maliq; effrontes, ad Paradisi delicias
miserrimi, in copia rerum Tantalî, nec profusis crebro
lachrymis satis deplorandi. Exempta Numinis ope de
his **MARIA**, eò altius innocentix suæ Majestatem pro-
vexit, quò nos profundius in imo peccati steteramus. Con-
trivit caput serpenti nostrum omnium singulorumq; ho-
sti plusquam capitali, elusit astutiam, non bene nobis-
cum colludentis compressit furorem, seq; in illa locavit
auge, in qua stare peccato non concessum. Attenta in
exortu **MARIÆ** par malum inferne, inure Tui signum
Orci titio innocentix. Audes ne id in **MARIA**, quod
ausus es in nobis? minime. Conceptus ad Verbum **DEI**
MARIÆ Conceptio temerari non potest, ad mentem
DEI MARIA, sub arbitrium non cadet dæmonis. O-
pus manuum **DEI** excellentissimum attingi, ut pereat
non valebit. Ea mentis divinæ dona etiam hic Con-
ceptus novit, quod nihil in se desideret laudatissimi.
Quidquid enim aut humanum exornat animum, aut mo-
res componit, illud omne in Concepta **MARIA** resplen-
det serenissimum. In exortu suo amore perfectissimo
stringit **DEVM**, seraphico ardore fervet, in cultumq;

tota Numinis dedicatur. Prætende quas velis, vel cogitas uirtutes, in Cōcepta MARIA advertes. Illā sanctitas ambit complexū nunquam dissolvēdo. Nondum nata nobis Divinæ solum menti nota, & jam sanctissima celebratur. Nondum patebant horridæ abyssi & jam profunditas Marianæ sanctitatis spectabatur. O stupendum Divinæ manus artificium? o mentis Divinæ opus? quum ad verbum DEI es MARIA? quam Concipi altier non potes? nisi sis Conceptus ad Verbum DEI? Humana omnia DEVM quidem Authorem noscunt, sed ab eo, nefando excessu deviant. MARIA in primo vitæ exortu sic Numini adhæsit, ut malignantium factorum impetu nunquam ab eo divellatur. Placet in sua Conceptione DEO, quia semel datam semper retentura innocentiam devincit Numen cuius minimo nutui obsequentissima. Processu temporum accedunt Mortalibus virtutum ornamenta, Conceptæ Mariæ sunt innata. Tota enim præter sanctitatis nitorem Virgineo lucet Candore radiatq; Induit fortitudinem orco mundoq; tremendam pietatem associat, obedientiam præhendit, hac Numen hac superos in partes suas protractura. Quinimo imperium sibi vendicat, virtutum MARIA, in exortu harum regimen suscipit, ut suæ semper obsequantur. Majestati. Igitur ad thronum regnantis Mariæ excubat prudentia, prominet DEI proximiq; amor, adest gemma Virtutum mansuetudo. Siquidem Conceptus verè DEI ad verbum DEI debuerat extitisse perfectissimus. A sæculis hîc trutinabatur æterna, versabatur mente inde etiam prodire debebat omnibus virtutum titulis absolutus. Iactet si potest furibunda aliquorum vesania impetus, suos in MARIAM, Conceptus ad verbum DEI est, Confundet furorem & Conceptam iram opprimet in exordio. Nullius conscia noxæ quæ honoris sui non pellet nocumenta, in qua teste Doctorum nectare Ambrosio, nec peccati cortex extiterat, quos
obices

obices non disrumperet. Tam igitur egregio conatū effor-
matam Conceptamq; MARIAM spectamus, miramur
opus DEI maximum, Conceptum limatissimum obser-
vamus. Sed quonam fine sic placuit altissimo, ut cun-
cta DEI dexteræ opera MARIA transcenderet? ideo
ut ad verbum DEI Conceptum MARIÆ, Mariamq;
ipsam ordinasset. Quærebatur sæculis ipsis Mater DEO
nec poterat inveniri nisi purissima à DEO ipso formare-
tur. Quæ itaq; digna foret verbum fæcunda virginita-
tè concludere, Conceptus debuit fuisse ad Verbum DEI.
Aliter in divinæ Maternitatis non vocaretur gradum si
parem cum hominibus invenisset vitæ stationem, non
potuisset inquam DEVM habere Filium, si DEVM
non experta fuisset Patrem, se a peccato originali præ-
servantem. Liberis hic exorientis MARIÆ futuram in
nuo dignitatem. In DEI enim Matrem eligi dignius
alijs omnibus conspici, ad inscrutabilia Divinitatis ar-
cana vocari summum est, propeq; divinum. Concipi
ad maxima, foveri ad suprema, educari ad Cælestia,
infinitæ laudis gloriæq; documentum, Spem ipsam
MARIÆ in illius intemerata Conceptione conceptam
si tulero, ingentia videor instaurare. DEVM cujus
Cæli non capaces suo utero concludet. Verbum alias
inerrabile, ipsa gentibus populisq; revelabit. Lumen ad
quod humana cæcutiunt, ipsa pectoris sui recessu fo-
vendo spectandum cunctis exhibebit. Vere Conceptio
MARIÆ aurora Solem Iustitiæ præcedens diluculum
prænuntias, salutis nostræ meridiem. Conceptus tan-
dem exquo inferimus boni nostri argumentum. Con-
ceptio MARIÆ Matris DEI Conceptus dicendus ad
Verbum DEI quia æterni verbi capacissimus.


Quare jam ex adjunctis à solo DEO combinatis
ex virtutum singularum nexu, ex verbo æterno ad
Verbum DEI Conceptum MARIAM veneramur. A-
deste tantum Conceptæ MARIÆ Iuvenes Academi-

ci, adeste mentes sanctioribus dicatæ Studijs, MA-
RIAM Conceptum DEI legite, observate. Placeat
vobis hæc periodus, quæ suis membris æterni Pa-
tris stringit verbum præhenditq;. Mediam hanc Cor-
de animoq; fovete notam; quæve inter duo
puncta DEVM scilicet & hominem interce-
dit eam prono cultû Conceptum ad
Verbum DEI adorete.

D I X I.



Biblioteka Jagiellońska



stdr0025830

